



Broj: 11-19-11-2-1448-XIII

Datum: 25.07.2025. godine

Na osnovu člana 43., a u vezi sa članom 45. stav (3) Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14, 59/22 i 50/24) i prijedloga Komisije za provođenje otvorenog postupaka nabavke uniformi za potrebe Federalne uprave policije, v.d. direktor Federalne uprave policije, d o n o s i:

O D L U K U

o poništenju postupka Javne nabavke uniformi za LOT 13 - Odjeća za velike hladnoće

1. Poništava se postupak Javne nabavke uniformi i dijelova uniformi za LOT 13 - Odjeća za velike hladnoće, jer od strane ponuđača nije zaprimljena prihvatljiva ponuda u skladu sa tačkom 15.3 Tenderske dokumentacije broj: 11-19-11-2-1448 od 13.05.2025. godine.
2. Ova Odluka objavit će se na web stranici Federalne uprave policije www.fup.gov.ba u skladu sa članom 70. Stav (6) Zakona o javnim nabavkama ("Službeni glasnik BiH", broj: 39/14, 59/22 i 50/24).
3. Ova Odluka stupa na snagu danom donošenja.
4. Za izvršenje Odluke zadužuje se Sektor za finansije i javne nabavke.

O B R A Z L O Ž E N J E

Od strane Federalne uprave policije proveden je otvoreni postupak Javne nabavke uniformi, po obavještenju o nabavci broj: 1412-1-1-129-3-85/25 od 13.5.2025. godine, 1412-1-1-230-8-92/25 od 28.05.2025. godine, 1412-1-1-129-8-120/25 od 03.07.2025. godine, objavljeno u "Službenom glasniku BiH" broj 28/25 od 16.05.2025. godine, broj: 34/25 od 09.06.2025. godine i broj: 40/25 od 11.07.2025. godine.

Procijenjena vrijednost nabavke iznosi 1.282.051,28 KM bez PDV-a.

Komisija za provođenje otvorenog postupka javnih nabavki uniformi je, dana 14.07.2025. godine, izvršila otvaranje ponuda o čemu je sačinjen Zapisnik sa otvaranja ponuda u kojem su uneseni svi elementi predviđeni članom 63. stav 4. i 5. ZJN BiH.

U postupku pregleda i ocjene ponuda za Javnu nabavku uniformi i dijelova uniformi za LOT 13 - Odjeća za velike hladnoće, Komisija je utvrdila da je za navedenu nabavku u određenom krajnjem roku za dostavljanje ponuda, pristigla (1) jedna ponuda i to: Ponuda ponuđača Zenko d.o.o. Zenica broj: JN-11-2025 od 03.07.2025. godine sa ponuđenom ukupnom cijenom od 186.500,00 KM bez PDV-a. Komisija je također utvrdila da zaprimljena ponuda formalno-pravno nije prihvatljiva, tj. nepravilna je jer ne ispunjava uslove tražene tenderskom dokumentacijom.

Naime, tačkom 15.3 Tenderske dokumentacije propisana je obaveza dostavljanja vizualno i laboratorijskih ispitanih uzoraka, na način da svi dijelovi moraju biti ispitani vizualno i laboratorijski te dostaviti dokaze o istom (Izveštaji, atesti i prateći dokumenti), a što nije dostavljeno u ponudi ponuđača Zenko d.o.o. Zenica.

Razmatrajući prijedlog Komisije, v.d. direktor Federalne uprave policije donosi Odluku kao u dispozitivu.

Pouka o pravnom lijeku:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

Dostaviti:

- Sektor za finansije i javne nabavke
- u spis

**V.D. DIREKTOR
(Načelnik SKP-e)
GLAVNI INSPEKTOR**

Vahidin Munjić